

後必得安樂

諸以寺舍房宇布施衆僧造寺之主及護寺天神國主百僚師僧父母因緣眷屬及一切衆生若先亡者願生西方見阿彌陀佛或生觀世多天見慈氏尊者脫屣塵勞悟無生忍其現存者願無病長壽福智莊嚴願我自身無諸障惱常持淨戒不犯尸羅於小罪中心生大懼於所犯罪悉皆發露盡未來際不失信心逢善知識願生中國離於人難常存正見至求解脫恒與衆生作不請之友即以此福普施一切同出有流證無上果若於每日不作如是念誦發願者是懈怠人不銷信施

洗淨法

其大小便室必須別處各安門扇并置橫店凡人小行室及上廁時法合持瓶勿口含水用爲洗淨磬或彈指或再或三方始前進亦既入已却店門扇持土兩塊或灰一抄半用洗身半洗左手筒槽帛拂皆非本儀既出廁

外其瓶可置三义木上注水向身或安於牕令水斜出若無瓶時盆子盛水權充亦得以土十五塊安在右邊地上或埠版上七塊偏洗左手七塊兩手俱洗餘有一在將洗瓶器其埠版上即須淨洗然後安置觸瓶取淨瓶水漱口三度方合淨儀始得受禮禮他虔敬三寶坐諸床席讀誦尊經若不如是依律行者凡有所爲咸招惡作之罪或在行路及乘船時任量事斟酌希諸行者知是聖教勿輕灰覆終墮泥犁

奉持獲福 輕法罪生 此旣常事 告示分明

說罪要行法一卷

羣士

愛用三水要行法一卷

翻經三藏法師 義淨撰

准依聖教及西方現今衆僧所用之水有其

三別

一特水 二非時水 三觸用水

言時水者謂是沙弥俗人自手濾澣觀知無
至午前任受而飲若大僧手觸盆羅及杓水
即不堪入口而況食用有惡觸故即如僧家
常用之水大僧豈可得觸雖大僧不觸於午
後時不合飲用然水體無觸已是俗人等觸

帶於染膩非全極淨是故須受

二非時淨水者謂大苾芻及沙彌等用意之
人並須潔豆及土屑等連腕四指咸須淨洗
無有垢膩瓦盆及羅并須新淨不與垢膩相
染者方得羅濾此水皆用銅椀銅杓灰揩去
膩始得取水若無此等可求必有染木之器
不曾與觸膩相染每日淨洗塵垢不停者通
用亦得若常用水可貯在淨壺淨瓶須是瓦
非銅澡罐由其瓶內有銅青不淨不得灰揩
故拔出銅釵揩拭即知淨穢然銅以灰揩爲
淨聖教親說若潔豆洗但去食膩銅垢不除
可取銅匙灰揩足爲目驗其瓦瓶水盡每須

羣十一

五

洗濯中間方盛新水然五天之地無將銅瓶
爲淨瓶者一爲垢生帶觸二爲銅腥損人此
之淨水時與非時任情取飲是佛別開以其
淨故更不勞受若苾芻在非時中煎藥煮茶
作蜜漿等皆用此水不得用前時水以有過
故然用鑄杓椀器皆須離食染並悉灰揩方
合煮物其淨水盆瓶宜於淨處安置瓮須淨
物覆蓋瓶即置在竹籠不得輒令觸欲用水
時先淨洗手或用乾牛糞淨揩手已無膩方
觸或以淨綃布及葉用替瓶咽然後方捉律
云除水及楊枝者謂此清淨之水非是餘二
楊枝若是新條濕者應須火淨受而嚼故知
不可直執戒文凡欲以水入口若飲若漱時
與非時皆須潔豆淨洗手洗淨兩脣漱口再
三方含飲水喫食亦然又中食了時若恐淨
瓶水少須令俗人授前時水嚼齒木潔漱已
然口津未得輒咽要須以此淨水三嗽口已
方是清淨得咽口津目見西方南海僧衆共

行此法又此方古德律師有知斯事然行之者希若不如是餘膩不除咽咽得罪亦不成齋

三觸用水者但使無虫不論淨觸即得受用謂添觸瓶向大小便處及洗手足更餘用不得輒將入口況食用耶此等三水觀知無虫乃至明相未出已來皆隨事得用明相既出即便不合無問多少乃至瓶內一抄盆中一合悉須銅盞明目觀察若無虫者雖經多日任用無犯西方僧徒及俗人五戒以爲急若外方客僧不解此水淨觸法者無容入寺又復西方寺法若見有僧將淨瓶上廁飲觸瓶水者以爲滅法即擯出寺以此言之冀諸行人共爲存議令佛法久住若能依法行者即是與佛在世無有異也

又舊律十誦五十九云有淨澡罐廁澡罐四十一云有淨水瓶常水瓶又新譯有部律文淨瓶觸器極分明此並金口親言非是人造

寧容唯一銅瓶不分淨觸雖同告語不齒在心豈可以習俗生常故違聖教准如此理諸寺房中及行方等處所有用水非常狼籍或大盆貯或瓮子盛安瓶內皆不合用以是大僧手觸不好羅濾經宿不觀停貯多時定有生命設使無虫當第三水飲用得罪謂由盞及杓是不淨手觸有不淨塵故又如尋常用水銅瓶若自取飲者以其不淨不受而飲有不受罪若中前觸至過午飲增觸罪若今日觸明日飲有宿觸罪不受而捉有惡觸罪不淨洗手復有汚手捉飲器罪不淨洗脣口飲水有不淨罪此之六罪各有方便成十二罪皆有不敬聖教罪此有因本復二十四添前成三十六罪經宿覆藏復有因本成七十二添前有一百八罪此等若其不學皆有不學無知二罪復有因本成四百三十二罪添前摠成五百四十罪又復從覆藏已下又不學無知皆有不敬教方便根本更有一千八

罪添前五百四十揔有一千五百四十罪此

等略據一咽一宿生罪多少若論十咽經宿

罪有一万五千四百八十若多時覆藏展轉
生罪乃至未懺已來莫知其數重者咸須對
清淨人說悔若先知者無無知罪若非時飲
鹽湯及蜜漿等鑄杓椀器用水羅瀝不能如

卷十一

六

法或帶臘觸與時食相霑手口不淨不仰手
受咸悉有罪然杏子茶湯西方不飲若寺內
皆須親自檢看必在俗家細問知其淨不若
不如法即不可飲豈以口腹暫時所須而當
來長受辛苦共知醫羅鉢龍故捐一葉現今
未脫不記了時況此常爲能無業道身吞一
咽罪乃無邊負擔終身誠可悲矣故經云勿
輕小過以爲無殃又曰善護浮囊防其微隙
大乘小乘意皆同此略陳要行餘如大律願
諸行者准聖教行

受用三水要行法一卷

護命放生軌儀法一卷

翻經三藏法師 義淨撰

夫以懷生者皆愛其生上通賢智有死者咸
畏其死下洎蠅蟲由是善逝隨事而修慈不
損含識量內身而准物刀杖不加唯以大悲

宣揚法化於護生處極致殷勤是佛弟子理
應隨作觀虫瀝水是出家之要儀見危存護
乃悲中之極急既知有虫律文令作放生器
者但爲西國久行人皆共解東夏先來未識
故亦須委其儀若不具陳無由曉悟其器任
同銅鐵瓦木瓦即安臯鐵木准成若擬隨身
將去可用銅作唯受二升三升即是舊來小
銅罐子還施銅系令穿手得過底傍一邊須
安銅鈕可受小拇指頭若乞食去時穿在左
臂以衣掩蓋右手持鉢乞食得已隨至一家
安置飯鉢自將淨繩一條如鹿筋許隨井深
淺繫罐取水瀝以小羅斟酌得足即以繩一